



HOOFDSTEMBUREAU ARUBA

Obligacion di entrega di e lista di donacion na Comision di Finansa di Partido Politico

For di 1 januari 2021, e ley di Regulacion di Finansa di Partido Politico (AB2020 no. 153) ta na vigor na Aruba.

E meta di e ley aki ta pa controla e finansa di e partidonan politico y candidatonan cu ta participa den e eleccion parlamentario. E Comision di Finansa di Partido Politico (Comision di Finansa), di cual e presidente di Consejo Electoral ta fungi como presidente, ta encarga cu e supervision di e finansa di tur partido politico y candidato. Recientemente, e Comision di Finansas a wordo instala y pa prome biaha e comision den henter su constelacion lo supervisa e finansa di tur partido y candidato durante henter e proceso di eleccion. Siguiyemente e Comision di Finansa kier a vocifera e reglanan cu ta conta pa tur partido politico y candidato y cu segun ley lo wordo aplica durante e participacion den e eleccion parlamentario di dia 6 di december 2024.

Rekisitonan Principal

1. **Registro di Donacion:**

Tur partido y candidato mester registra e donacionnan cu a ricibi for di 12 luna prome cu eleccion.

2. **Entrega di Registro:**

E registro di donacionnan te 21 dia prome di eleccion mester wordo entrega na e Comision di Finansa. Entrega di esaki mester tuma luga entre 21 pa 14 dia prome cu e eleccion venidero.

3. **Declaracion di Entrada y Gasto:**

Tambe nan mester presenta un resumen di e entrada y gasto di nan actividadnan di recaudacion di fondo.

Si nan no cumpli cu e rekisitonan aki, e Comision di Finansa por solicita informacion adicional y tambe por impone multa.

Publicacion di Donacion:

- 7 dia prome cu eleccion, e Comision di Finansa lo publica un resumen di e donacionnan ricibi door di e partidonan politico y candidatonan.
- Despues di eleccion, e partidonan politico y candidatonan mester entrega otro resumen dentro di 7 dia despues di eleccion y e Comision di Finansas lo publica un rapport 14 dia despues di e eleccion.

Ta fundamental cu tur e partidonan politico y candidatonan cu ta participa den e eleccion di 6 di december 2024 ta na altura di nan obligacionnan y cu nan lo cumpli cu e obligacionnan aki pa garantisar e transparencia financiero.